



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### მრავლაძე გიორგი კონსტანტინეს ძე

მრავლაძე გიორგი კონსტანტინეს ძე (7. II. 1909, თბილისი, – 28. VI. 1980, იქვე), თეატრის რეჟისორი. საქართველო. ხელოვნ. დამს. მოღვაწე (1950). მუშაობდა რეჟისორის თანამშემუნედ თბილ. მუშათა (1926–28) და მოზარდ მაყურებელთა ქართულ (1928–30), ქუთაისის (1931–32) თეატრებში. 1932–33 იყო „სახკინმრეწვის“ კინოფილმის გადამღები ჯგუფის უფროსი. 1934–40 მუშაობდა ტექნიკურ რეჟისორად მარჯანიშვილის თეატრში. 1940–55 იყო ბათუმის თეატრის რეჟისორი, შემდეგ – სალიტ. ნაწილის გამგე. მისი რეჟისორობით დაიდგა სპექტაკლები: პ. კაკაბაძის „ყვარყვარე თუთაბერი“, დ. კლდიაშვილის „ირინეს ბედნიერება“, „დარისპანის გასაჭირი“, შ. დადიანის „ნაპერწკლიდან“, ლ. ტოლსტოის „ცოცხალი ლეში“, ა. ოსტროვსკის „უდანაშაულო დამნაშავენი“, კ. სიმონოვის „მელოდე“, ვ. შკვარციანის „სხვისი შვილი“, ფ. შილერის „ვერაგობა და სიყვარული“ და სხვ.

---